

AD EPISTOLAM SYNODI
WARSAWIENSIS,

Quâ ab Illustrissimis & Reverendissi-
mis D.D. Episcopis, Dissidentes in rebus Fidei
ab Ecclesiâ Catholico-Romanâ, in Regno Polo-
niæ magnôq; Ducatu Lithuaniz, ad ami-
cum congressum, & fraternam re-
conciliationem Thorunium
invitantur :

Sic ut & ad subsequens
SACRÆ REGIÆ MAJESTATIS
Ad eosdem Dissidentes eodem in negotio
DIPLOMA,
Ordinum Evangelicorum
RESPONSIO.



LONDINI,
Impensis Johannis Rothwell, Anno M.DC.XLV.

THE END OF THE WORLD

**Illustrissime & Reverendissime Archiepiscopo Gnesnensis, regni Primas, Primeq;
Princeps, ceteriq; Illustrissimi & Reverendissimi
Regni & M.Duc. Lithu. Episcopi, Domini
& Amici ac Fratres Nostri ob-
servandissimi;**



*Osteaquam rumor de Colloquio in causa Religi-
onis inter Dissidentes, ex Sententia Synodi
Warsaviensis, Anno præterito celebratæ, in-
cundo, per Poloniam Lithuaniamq; spargi
cepit, cum omnium hominum animos novita-
te rei tactos reddidit, tum in Evangelicis
(prout illi quibus aliquid dolet, in spem & metum prompti esse
solent) spem geminam excitavit. Aut tempus sub altero felicis-
simi Vladislaviani Imperii decennio imminere, quo iterum De-
us ampliorem viam in Patria nostra aperire velit illi cælesti
sua Veritati, ad cujus inermem sonitum tot Reges & Regna,
tot Principes & Ditiones, tot Episcopi & Ecclesiæ olim stete-
runt, & soli Deo sponte dederunt gloriam, quot nullis armis, aut
exercitibus, aut cadibus, ad Religionem compelli invitos po-
tuisse, nulla unquam ætas memoravit. Aut saltem illud venisse
tempus, quo prudentissimus Senatus Ecclesiasticus ad sacra In-
ramenta Regum, ad generales confirmationes Jurium, & ad
unanimis Ordinum Considerationes respiciens, cogitet & me-
ditetur, eas à neglectu vel senio, quod contraxisse videntur, vin-
dicare, & in Evangelicos, toto hoc seculo nullo jure fatigatæ
Patriæ reos, diversis potius patientiæ experimentis fatigatos,
abundantiora Paterni & Fraternalis affectus sui, testimonia ef-
fundere, placidioremq; rebus eorum concedere temperiem. Sed
cum jam ipsa Invitatio, nomine Illustrissimarum & Reveren-
diss. D.D. Vestrarum scripta, in lucem prodiret, illud ipsa
ejusdem,*

ejusdem, præsertim illa, quæ Vilnæ facta est, publicatio, spes
 nostras labefactare, & pro illis hanc cogitationem pectoribus
 nostris incutere cepit, ne fortè eò res deducatur, Conscientia-
 rum Libertate exuti, ad Ecclesiam, cui Majores Nostri justissi-
 mas ob causas renuntiârunt, quoquo modo retrahamur. Nam
 cùm Illustrissima & Reverendissima D.D. Vestra, æquâ Ju-
 dicii lance negotium id expenderint, animadvertent in Patria
 nostra ad literas solâ Authoritate Senatûs Ecclesiastici emissas,
 in causa Religionis comparere, rem satis per se esse novam, &
 præjudicio non vacuam, idèò saltem molliori, moribusq; liber-
 tatis conventiori modo, Nobis intimandam fuisse, judicabunt.
 Accedit, quod ex ejusmodi Invitatione, tam pius in reducendis
 nobis ad Ecclesiam Romanam in quorundam animis exarserit
 zelus, ut talem contra nos, Vitamque, Libertatem & Securitatem
 nostram, nisi nos reduci pateremur sub clypeo Autoritatis
 Vilnæ evulgârint Libellum, qualis non ab hominibus in Patri-
 is Legibus persunctoriè (quod etiam in bonis tolerandum quan-
 doq; est) versatis, sed Patriarum Legum prorsus inimicis, pro-
 ficisci debuit. Summam ergò æquitatem & integritatem Ve-
 stram, Illustrissimi & Reverendissimi Patriæ nostræ Anti-
 stites, appellamus, an potuerit Nobis alia tum mens esse, quàm
 quæ liberis & pari Vobiscum sanguine cretis hominibus esse
 debuit, ut nimirum aut taceremus ad literas, aut denegaremus
 Nostri præsentiam? Sed provida S.R. Majeſtatis, Dni. nostri
 Clementissimi, Pietas & sollicitudo, in remedium ejusmodi do-
 loris & contemptûs Nostri subsecuta est; Cujus Literas Regias
 Vilnæ, mense Martio scriptas, & postea typis vulgatas, cùm
 alii Nostrum præterito Mense Junio, alii subsequente Julio, na-
 ti essent, nec æquum, nec amori & obsequio Nostro in Patrem
 Patriæ Nostræ consentaneum esse duximus, si coram sua Maje-
 state Fidei & Religionis Nostræ rationem reddere hac occasi-
 one recusaremus. Communicatis igitur, quantum angustia tem-
 poris ferebat, non quantum rei magnitudo postulabat, inter Nos
 senten-

sententiis, ad diem D. Bartholomæo sacram, ex Majori Minorique Polonia & Magn. Duc. Lith. huc Orlam convenimus; ut tum Regi, Domino Noſtro Clementiſſimo, tum Vobis Ampliſſimi Præſules unanimè à Nobis daretur Reſponſum. Cum verò Regiæ Majestati omnes Noſtras rationes pleniffimè (prout ex adjuncto literarum exemplari patet) expoſuerimus, idcirco Illuſtriſſimis D.D. Veſtris ſatis in eiſdem Noſ reſponſiſſe arbitrati, Eas prolixitate ſeorſim reſponſi non onerabimus: ſed per omnia, tam univerſæ Chriſtianitatis, quàm Patriæ, quæ Veſtram Noſtramque complectitur ſalutem, ſacra, & per illa magnæ functionis Veſtræ Nomina in S. Scripturis radiantia, oramus & obteſtamur, ut poſt gloriam Dei, Pacem & Tranquillitatem, & Libertatem Patriæ, more Majorum, conſervetis & tueamini: alieniſſimumque à ſancta Veſtra Functione ſtatuat, de eorum præjudiciis cogitationes & Conſilia ſuſcipere, qui pari Vobiſcum fide & integritate, Veſtris inoffenſis Dignitatibus, pro Regibus & pro Repub. ubiq; ſteterunt. Hoc quoq; peculiariter à Vobis Illuſtriſſimi & Reverendiſſ. Dni obnixè petimus, ut illa gravamina, quæ jam in judiciis publicis, in cauſa Religionis in exemplum abierunt, ea quæ poſſunt Autoritate coërcere, & in Urbe Vilnenſi (ubi novos vexandorum Evangelicorum quæri & ſeri prætextus, hic Orla certiores facti ſumus) turbas & violentias Pietate & Conſilio ſuo antevertere & inhibere velint. Sic nos in honore & obſervantia Dignitatis Veſtræ, ſic in ſtudiis & obſequiis, quæcunque à nobis Ordini Veſtro reddi poſſunt, magis perfeſeverabimus: Sic Vobis Patria & Poſteritas laudem conſervatæ Pacis publicæ debeat: Sic nomini Veſtro extera Gentes aſſurgent, & feliciſ Prudentiæ Veſtræ Exempla, ſi non imitari, certè in tacito pectore admirari & venerari cogen-
tur: Sic Totus Terrarum Orbis fatebitur, Religioſa bella, alibi ante duo ſerè ſecula exorta, non deſiſſe: apud Nos ne incipere quidem potuiſſe.

Vale Illustrissime ac Reverendissime Primas, Regniq; prime Princeps, cum universo Illustrissimorum Episcoporum Collegio. Datum Orlæ 3 Sept. Anno 1644.

*Illustrissimarum ac Reverendiss. D.D. Vestrarum
Amici & Fratres ad officia & servitia paratissimi*

*Evangelici ex Tribus Regni & M.D.L. Provinciis, in Con-
ventu Orlensi congregati, quorum nomine subscribis*

JANUSIUS RADZIVILL Director.

Sacra Regiæ Majestati Domino Domino

*Uladiſlao 4. Dei gratia Regi Poloniæ, Magno Du-
ci Lithuanix, Ruffiæ, Pruffiæ, Maſoviæ, Samogitiæ, Li-
vonix, Severienſi, Smolenſcenti, Czernihowienſi: necnon
Suecorum, Gotthorum, Vandalorumq; heredita-
rio Regi, Domino Domino noſtro
Clementiſſimo:*

*Nomine Evangelicorum, ab Eccleſia Catholica Romana, in Re-
gno Polonia & Magno Ducatu Lithuania diſſidentium, ex Collo-
quio Orlenſi per Delegates ipſorum die 24. Aug. habito
Anno Chriſti 1644. Humillimi Re-
ſponſi Libellus.*

Moleſti procul dubio S. Majestati Tuæ eſſemus, *Inv-
itiſſime Rex, vel quod mavis & mereris, Optime
Princeps, vel quod Tuæ Majestati maximè conve-
nit, Mitiffime populorum Tuorum Pater, ULADISLAE,
Domine, Domine Noſter Clementiſſime, ſi ad literas Ma-
jeſtatis Tuæ Vilnæ datas, quas à miſeratione Gentium ob-
diſſidia Religionis ſub cladibus belli pereuntium, incipe-
re ad Nos ſubditos Tuos, voluiſti, Reſponſionem Noſtrā
à celebratione virtutum, & rerum per Te feliciter geſta-
rum, more in alloquendis Regibus uſitato, vellemus ex-
ordiri.*

ordiri. Nempe humilia Majestati Tuæ videntur illa, quæ in
 terras Tuas contulisti merita & beneficia: Jam altius assurgis,
 & quanto pietatis pignore cælum ipsum obligare Tibi debe-
 as, augustâ Tuâ mente, quæ sola tantarum cogitationum est
 capax, circumversas. Ergo nec victorias Tuas ex inmanissi-
 mis partas, nec vitam pertinacissimis donatam, nec Pacem
 cum præmio belli elatissimis extortam hostibus commemo-
 rabimus, sed Tuæ bonitatis secuti exemplum, ad acerbissimas
 vicinorum populorum calamitates seriò sincereq; ingemisce-
 mus. Licet verò ad præsens, quò Europa ardet, incendium,
 multæ per intervalla annorum eausæ concurrerint; originem
 tamen, aut certè prætextum, à Religione hunc ignem traxis-
 se, nemo est qui ignoret. Cum enim non ratione, sed ferro,
 non divinis scripturis, sed cruentis edictis, decerneretur; cum
 non sanitas eorum, qui morbi arguebantur; sed internecio
 quæreretur; cum alteri dare, alteri perdere nollent, illâ, quam
 solius Dei imperio teneri, Cæsarum & Regum optimi dixêre,
Conscientiarum Libertatem: factum est, ut illos vincendi ar-
 dor, hos moriendi pro tali causa voluptas, in tam tristes rerû
 vicissitudines impulerit, ut mœstus & attonitus Christianus
 Orbis, timere incipiat, ne non cessantibus tantorum odiorum
 furoribus, mox desinant, tam qui vincere volunt, quàm qui
 victorum arbitria pati non possunt. Sed jam à retroactis se-
 culis divina miseratio benigniora de patria Nostra cogitavit
 consilia, dum Sacris Nostris Regibus Maternæ Divi Parent-
 is Tui stirpis authoribus, tum & populis Eorum imperio
 subjectis, eam inspiravit mentem, ut & domi Græcæ Ecclesiæ
 à Latina diversitatem placidissimè ferrent, & foris dura illa
 averfarentur exempla, quæ in Vicinos, nullius in Deum blas-
 phemiæ aut contumeliæ, vel tactorum Christianismi funda-
 mentorum reos, sed tantùm Ecclesiæ emendationis cupidos
 (ut ex Catholicis illius & posterioris ævi scriptoribus acce-
 pimus) statuebantur. Et licet in gratiam alicujus rigidè ali-
 quid sanxissent, nunquam id tamen suo Regali brachio ex-

sequi, vel erroris insimulatos in gremio Reip. quæri, & ad supplicia trahi permitterent. Notamus & id, quod eo maxime tempore tanto veritatis noscendæ studio exarserint, ut S. Bibliorum Codicem, ante in lingua vernacula vix visum, Anno 1455. Patrio idiomate in usum Sacræ Reginæ scripserint. Postea cum altero seculo totus ferè mundus in exitium eorū, qui (similem ob causam) ab Eccles. Rom. sese alienaverant, cōmoveretur; cum Oceano & Adriatico mari adjacentia Regna Conc. Trid. primū ex unius autoritate agendi, postea stabiliendi causā, funesta inter se fœdera sancirent; sapientiss. Proavus Tuus *Sigismundus* I. & filius ejus *Sigismundus* Aug. R.R. cum prudentissimis Ordinibus non tantum illis nexibus se suosq; implicari noluerunt, sed potiùs cum viderent sui suorumq; ab illo Concilio parvam rationem haberi, temporibus illis ad asserendam Regum auctoritatem, ad lustrandas à Crucigeris (hominum genere Religiosissimo) suas ditiones, ad promulgandas leges, brachio Sedis Romanæ ingratas, sed Reip. utiles, deniq; ad permittendam conscientiiis hominum in Religione libertatem usi sunt. Cum verò hæc Regum ac Majorum Nostrorum providentia ac moderatio, non satis æquis judiciis traduceretur, ad eò ordines Reip. illa judicia non extimuerunt, ut ultimo Jagellone extincto, cum Respub. liberrimam de Statu suo statuendi haberet potestatem, non aliud Tegumen (vel patrio nostro sermone KAPTUR) salutis & libertatis Universorum, quàm illam sanctam, & omnibus vicinis invidendam, *Pacis & Tranquillitatis dissidentium in Religione Christiana Confœderationem* condiderint, ac Reges suos non alio annulo, quàm, cui illa inscriberetur, desponsari sibi voluerint; imò ne ulla potestas supra Reges sese attollens tam grande solveret Sacramentum, meministi Rex invictissime, quibus verbis (verba enim illa, procul dubio, non in solo Legum Codice, sed in Regio quoque corde Tuo Divino digito insculpta manserunt) in fine Regii juramenti, prospexerint. Quo unico remedio, non armis, non
seditione,

seditione, non post tristitia virium experimenta, sed ante omnem dissidii aleam, sponte inter se constituto, non tantum Patriæ, tam vasta Terrarum spatia, tam diversas Nationes, Linguas, Leges, Mores, Ritus, Magistratus, complectentis, orbitatem sub Interregnis, ab omni vi externa tutam & securam, sed etiam Universorum libertatem & tranquillitatem, domi inconcussam retinuerunt: & quod inter arcana Politica censeretur, Religionem Rom. ac Ecclesiasticam dignitatem & eminentiam, quæ nunc alibi sub onere victoriarum Catholicarum ægrè spirat, conservârunt; & non quærendi, sed ex suorum Regum sanguine, qui subditos Religione dissidentes, sed Fide & Obsequio concordēs & pares, paterno affectu complexi sunt, Principem vacantibus Sceptris sumendi, genium & consuetudinem liberrimæ Genti instillaverunt. Hæ Polonorum & Lithuanorum fuerunt artes: hæ Majorum Tuorum virtutes, quibus per integrum seculum Religiosi Belli facem à finibus suis arcuerunt. In quas cum Majestas Tua liberis dissidentium Religionum suffragiis successisset, parum duxit eas potenter manu tenuisse: (quæ maxima est felicissimi Tui decennii gloria) sed in super diversos de Sacris sensus conciliare, & ad posteritatem Fidei & Ecclesiæ unitatem transmittere instituit. Magnum opus, & non modò dignitate, sed Divinitate Regum, quam Vobis vox Dei communicat, dignum. Sed providendum, Domine Noster Clementissime, ne inde maximas difficultates experiaris, unde minimè expectas. Cui non est ignotum, alteram partem, cum alios non tantum emendare, sed etiam judicare velit, seipsam ad ullum æquilibrium demittere nolle? Tales quomodo ad justam & legitimam conciliationem permoveris? Conciliatores tanti operis Majestas Tua proponit Reverendissimos & Illustrissimos Regni & Magni Ducatus Præsules, Viros in Patria summos, meritis amplissimos: Sed an illis juramentum, sedi Romanæ præstitum, in quo nec Tui, nec Patriæ, nec Legum Reip. ullam

legimus mentionem, impedimento ad Colloquium liberum non sit futurum, iudicio Majestatis Tuae subijcimus. Insuper Praesidem Conventionis Majestas Tua nominat, Virum Illustrissimū, & non minus Episcopali Senatoriaq; dignitate, quā probitate morum conspicuum: sed quamvis alteri parti alter concederetur Praeses (quod unice in ejusmodi congressibus requiritur) quis tertius discordiam eorum compositurus esset? Praesertim si ad Colloquiū non positā certā decernendi de controversiis regulā, per Theologos utriusq; partis descenderetur. Nec latet Majestatem Tuam Regiam, quanti minora Ordinum, & Subditorum Tuorum desideria & postulata Romae quandoq; fuerint habita. Optimē quōq; novit de ulla etiam minima re, sive decimas, sive praescriptiones, sive commutationes concernente, Illustriss. Archiepiscopū Gnesensem, licet Legatum natum, & Primatem Regni, cum universo Illustrissimorum Episcoporum collegio, nullas conventiones, ne quidem cum Catholicis personis, & cum utilitate Ecclesiae conjunctas, liberā autoritate inire posse: imō (quod non invidiae, sed necessitatis causā scribi à Nobis coram Deo protestamur) gratitudinem quam Tuae Majestati obvis ulnis tota nuper obtulit Respub. inconsultā Sede Romanā de propriis suis redditibus, qui alioquin in liberrima uniuscujusque Ecclesiastici sunt dispensatione, aequaliter cum Concivibus suis concedere non potuisse: quamvis credamus illos, ne vitā quidem & sanguinē suo, pro Tua Majestate, parafuros. Nec id adhuc oblivione sepultum, quod Scholas, Ingenia, Typographias, Fora domestica & externa, Comitia, Interregnum, fatigavit: nempe Academiae Cracoviensis, tot Legibus & Privilegiis munita, Libertatem & Pacem, tandem non domi sed Romae, tum ab Academicis exorandam, tum Autoritate Tua Illustrissimique Legati Tui prudentiā, vindicandam fuisse. Taceri denique non debet, quod Annales nostri loquuntur, quale Responsum ex ore Legati Romani, Regiae aures, Abavi Tui, D. Cuzimiri, ob dignitatem Ecclesiasticam praeter mentem

mentem Summi Pontificis, à Rege collatam audiverint. Hæc & alia, quæ brevitatis causâ omittimus, quantula sunt, si cum proposito conciliandæ Religionis, in quo de capite & Summa rerum necessario tractandum esset, conferantur? Proinde, num alius ex congressu partium præfagiri possit eventus, quàm quodd aut ipsi Conciliatores irreconciliabilem Sedem Romanam deinceps essent habituri, aut omnia quæ ab ipsis acta & transacta fuerint, ad unius Bullæ promulgationem evanescerent? Si enim Tridentina Synodus, non ausa est quicquam, sine consensu Sedis Romanæ statuere, quomodo Thorumense Colloquium, sine illo vel hiscere auderet? Dixerit ergò aliquis, Nos subditos Majestatis Tux, Evangelicam Religionem professos, sanctis Tuis conatibus, per ejusmodi terrores, obicem ponere, ut Nos à reddenda in publico Fidei Nostræ ratione subducamus? Ista quidem Invitatio, quæ Literas Majestatis Tux antecessit, (illa præsertim, cui Vilnæ etiam ignominia addita est, & contumeliofo, jugulumq; Libertatis nostræ petente libello, confirmata) ita à consuetudinibus Patriæ, Gentisq; Nostræ liberæ moribus procul abiit, ut nobis iustissimam excusationis dare potuisset causam: Sed avertat Rex Regum Deus, ut hoc in subterfugium vertamus: imò per Eum, & per ejus gloriam ad quam & hominem condidit, & Reges in solis collocavit, Te Rex Clementissime oramus & obsecramus, ut propositum hoc Tuum, ad solos quidem subditos Tuos ex sacro ore Tuo emissum, sed jam universæ Europæ auribus exceptum, magno & constanti animo prosequaris. Memento Te illi Septentrioni regnare, in quo non minus Libertas quam Magnanimitas, secundum heroicorum exemplorum nidum à seculis posuere. Exspectabat Terrarum Orbis uade alterum Regni Tui decennium exorsurus esses. Nunc jam audit! & assurgit Pietati & Magnanimitati Tux, intentus quò evasura sint ista quæ mente præcepisti. Voluit simile Colloquium ante 86 annos D. Sigismundus Augustus: promptierant ad comparandum Majores

Majores nostri: sed cur alterius partis autoritate diffutum id fuerit, scripta illo tempore edita loquuntur. At quid impedit iterum id aggredi? Tuæ fortassis Majestati, Tuisq; temporibus, utramq; partem miserabiliter, ut ipse mones, attritam, ad consilia Pacis moventibus, hanc Fata reservârunt gloriam. Tibi ipsa Natalium Tuorum semina suggerunt hanc mentem, ut exemplo Avi & Proavi Paterni, laudatissimorū Regum Sueciæ; Exemplo præterea Jagellonidarum, & fortissimi Stephani, ac Genitoris Tui Optimi & Religiosissimi Principis *D. sigismundi III. R.R.* Insuper in augustissima Maternâ Domo Tuâ, exemplo *Caroli V. Ferdinandi, Maximiliani, Rudolphi*, Cæsarum Aug. sub quibus Reformatio Religionis partim propagata, partim conservata est, non sis adversarius causæ, quæ apud Te diversimodè accusatur. Tibi deniq; Virtutes & Actiones Tuæ, apud utramq; partem rectitudinis & integritatis in hoc difficillimo negotio, fiduciam facient, quòd & suæ Catholicæ Religioni ubiq; satisfeceris, & in diversam, nec in acie, nec in foro gladium Tuum vaginâ eduxeris. Ibimus ergo, Rex Serenissime, quando nos Pietatis Tuæ auspiciū vocaverit. Sed ibimus in conspectum Majestatis Tuæ. Cum enim videamus nihil per XII. Theologos, imò nec per Episcopos, ob supra scriptas rationes de hac causa, in qua Reformatio Ecclesiæ (sine qua Conciliatio Religionum nulla) tangenda esset, liberè dici posse: Propterea, Regis, non per hominis, sed per Dei gratiam constituti & regnantis, præsentiam imploramus. Illuc cum Illustriss. Episcopi, & Venerabiles Theologi, liberas & omni metu solutas Conscientias attulerint, & ad solius S. Scripturæ Regulam, ac primavæ Apostolicæ, Apostolicorumq; discipulorum, & sequentium trium seculorum, Ecclesiæ mores, & instituta, & juxta quatuor Occumenica Concilia, Seq; Nosq; examinare & examinari voluerint, coram Tua Majestate, tanquam Unctō Dei, salvis illis, in quibus nati sumus Libertatibus, causæ Nostræ à principio Reformationis nunquam celatæ,

aut in tenebris absconditæ, sed semper & ubiq; in lucem, ac potissimum in conspectum Divorum Antecessorum Tuorum productæ, bonitatem, & Majorum Nostrorum, qui ab Ecclesia Rom. secesserunt, innocentiam, opi Divinæ fidentes, probaturi sumus. Ut autem vis & fructus salutaris Tui propositi, in Ditionum Tuarum omnes Subditos, ac in vicinas Regiones, tali remedio potissimum egentes, sese effundat; humiliter à Majestate Tua petimus, ut tanti negotii, sub oculis Majestatis Regiæ tractationem, ad proximum Ver aut Æstatem differre dignetur. Ita & Illustriss. Regni Primati, Illustrissimisque Episcopis, extraneorum Episcoporum & Theologorum, in hac communi causa, Consilia & Sententias explorandi; & Nobis, quantulacumq; Subditorum Tuorum parti, cum exteris Ecclesiis eadem Religione junctis communicandi, & earum Theologos, ad spectandam Virtutis & Pietatis Tux magnitudinem, Salvo Conductu Regio (Civibus enim & Indigenis Reipub. præsidio Legum satis prospectum est) evocandi; deniq; sese ad Conventum præparandi & sistendi, tempus concedetur. His positis, quandoquidem Majestati Tux Regiæ, solius gloriæ Dei amplificatio scopus est, magnam spem de Misericordia Dei concipimus, Illum secundum reſtitutionem cordis Tui Regi, & candorem Illustrissimorum D.D. Episcoporum omnia largiturum, & Tuam Majestatem Ordinisque Reip. in emendanda per Majestatis Tux ditiones Ecclesia, legitimaq; & primævis Christianitatis temporibus consentanea Hierarchia constituenda, pro exemplo Orbi Terrarum, Virtute suâ ex Alto adjuturum. Sed ne quisquam suspicetur (licet id crassissimæ esset suspicionis) nos ideo præsentiam Majestatis Tux exorare, ut si forte propter gravissima Reipub. negotia præsens esse non possit, lucem & conspectum hominum hoc prætextu evitemus; ideo adhuc ampliùs fascibus clementiæ Tux Regiæ Nos Nostraq; fiduciam humillimè subſternentes, declaramus; Licet acerbissimum Nobis liberis hominibus sit futurum, non coram

Rege, sed coram Præsidibus, rationem Religionis reddere, & periculosa sinistrarum vel ambiguarum delationum, aut relationum, alicui Nos Nostraq; sponte committere, nos ne id quidem refugituros: His tamen iustissimis requisitis prius à Majestate Tua suppliciter exoratis. Primò, ut alteri Præsidi ex nostra parte suffragiis nostris electo, par à Majestate Tua detur potestas. Alterum, ut non solum vivâ voce, (cujus magnam vim agnoscimus) sed etiam scriptis, in quibus est efficacissimum contra temerè negantes vel affirmantes, vel aliorum sese vertentes, remedium & testimonium, omnia ea quæ dicuntur, parti à parte in Colloquio exhibeantur. Tertio, ut prorogatione temporis, prout suprâ petimus, clementer concessâ, mensura quoque ejusdem Colloquii brevi aliquo temporis spatio determinetur: Nostram enim tenuitatem imparem esse aliorum abundantia fatemur. Quarto, ne sibi quisquam aliquid in Nos statuendi aut decernendi potestatem usurpet. Deniq; post quemcunque Colloquii eventum, ut Nobis æquè ac alteri parti liceat Acta Colloquii publicare, sine ullo in Autores, in Scripta, in Typographos & Bibliopolas, Legentesq; pœnarum metu. Verum enim verò, si tam iusta & paritati Colloquiorum debita, nobis negabuntur; aut si per promulgationem Charitativi Colloquii non Libertas & Pax Ecclesiæ, nec abusu emendatio, nec gloriæ Divinæ, sed autoritatis humanæ vindictio, quaeritur: Id certè nihil aliud foret, quàm si vocaremur, ut instar reorum per Confessionem, Nostros, Majorumq; nostrorum errores ac delicta expiarem, & portam Rom. Ecclesiæ, quæ ut exeuntibus, ita redeuntibus spontè patet, referari nobis peteremus. Quod quidem Nos de Tuz Majestatis bonitate opinari nefas ducimus: sed multis experimentis contra Nos causamque Nostram ex levissima occasione præsumi, edocti, ab adversa fortuna veremur. hinc ergo figimus pedem, & Libertatem Nostram in Humilitatem, Jura in preces, Usus & consuetudinem Immunitatum in Supplicationem vertentes, Majestatem

Majestatem Tuam Regiam, ad genua ejus provoluti, obsecramus. Primò, ut ponat sibi ob oculos, quàm saepe non latata sit Patria Nostra ex illa Orientalium Rituum Ecclesiæ, plerisque invitis, reductione. Deinde, ut postulet à Nobis vitam, sanguinem, & quicquid ab honestis & in libertate natis hominibus postulari potest, id alacriter, pari cum Romano-Catholicis Fratribus nostris Fide, Virtute & Exemplo (pro-ut id semper & ubique à nobis Majoribusque nostris, præstitum est) pro Majestate Tua, & pro salute Libertateque Patriæ, profundemus. Hoc verò Majestas Tua de Nobis nunquam à quoquam persuaderi sibi patiatur, ut vel Vitæ pretio contra Conscientiam, & cognitam Veritatem, quicquam admittamus, vel paciscamur. Nemo nos hinc apud Majestatem Tuam pertinaciæ aut ingratitude accuset, ac si Paternum Majestatis Tuæ affectum nobis liberalissimè in Literis declaratum aspernemur. Qui Nos enim sumus, ut tanti Regis amorem & benevolentiam humiliter non veneremur? At prospicimus, si ejusmodi quale supra petimus, & quale olim tempore Majorum Nostrorum à Concilio Tridentino non est obtentum, Liberum Nationale Concilium agi non potest, magis expedire, non Nobis solùm, sed & Reip. ut hanc quam Regia Majestas suscepit paternâ sollicitudine curam, vertat ad avertendas oppressiones, gravamina & præjudicia, quæ passim Subditis Majestatis Tuæ juris prætextu, Religionis causâ, inferuntur; & ad conservandam, & manutenendam illam Pacem ac Tranquillitatem, quam Sacro Regio Jurejuramento spondit. Sic quæ solatia & ornamenta communis in se Patria Nostra complectitur, ea ex Lege aureæ Æqualitatis quisque pro meritis suis à Justitia & Clementia Tuæ Majestatis, cor Regis Deo inflectente, expectabit: Si verò quid adversi (quod sub justissimo Tuo imperio non metuimus) imminebit, Nobis tamen preciosius erit in domo luctus, cum bona conscientia versari, quàm in domum gaudii cum pudore & extremi judicii metu commigrare.

Hæc Serenissime & Potentissime Rex, Dn. Dn. Noster Clementissime, ad Literas Majestatis Tuæ Nos Subditi Tui, hîc Orlæ necessariò ad communicationem sententiarum, sine quâ nec Majestati Tuæ, nec Illustrissimo Senatui Ecclesiastico responderi potuit, ex ordinariis Trium Provinciarum Synodis Evangelicis deputati, humillimè respondemus; Ac Nos, Salutem, Libertatemq; nostram Majestatis Tuæ Clementiæ, & Protectioni commendamus & subjicimus; Regem Regum precati, ut plurimis imperio Tuo additis Annis, dotes illas, quas in Majestatem Tuam contulit, ad illustrandam Gloriam & Veritatem suam cœlestem, & ad terrendos omnes Majestatis Tuæ & Patriæ Nostræ hostes, adeoq; ad amplificandam Universi Orbis felicitatem, convertat. In quorum omnium fidem, humillimas istas Literas, Nobis consentientibus & committentibus subscribit,

*Sacra ac Serenissime Majestatis Vestrae
Fidelissimus Subditus*

&

Humillimus Servus

IANUSSIUS RADZIVILL

Director Conventus.

FINIS.
